



Broj: 03-50-1-141-5/09
Sarajevo, 30.1.2008. godine

**Z A P I S N I K
5. sjednice Vijeća nacionalnih manjina BiH,
održane 30.1.2009.**

Sjednica je počela u 11,40 sati.

Sjednicom je predsjedavao Nedžad Jusić, predsjedavajući Vijeća.

Sjednici su prisustvovali: Milivojević Iren, Vasilija Ibrahimagić, Jovanka Manzalović-Šalaka, Marija Grbić, Darko Kovč, Halil Bicaj i Andrija Svatok.

Opravdano su odsustvovali Jakob Finci i Tihomir Knežiček.

Sjednici su također prisustvovali: Emina Jahić, sekretar Zajedničke komisije za ljudska prava, prava djeteta, mlade, imigraciju, izbjeglice, azil i etiku PSBiH, i Zoran Brkić iz Sektora za odnose s javnošću PSBiH.

Predsjedavajući Vijeća Nedžad Jusić predložio je sljedeći

DNEVNI RED

1. Usvajanje Zapisnika 4. sjednice Vijeća;
2. Usvajanje Poslovnika o radu Vijeća;
3. Usvajanje plana za monitoring Akcionog plana o obrazovnim potrebama Roma i ostalih nacionalnih manjina u BiH;
4. Usvajanje plana za studijsku posjetu Zagrebu i Beogradu;
5. Priprema za održavanje okruglog stola o temi: „Položaj nacionalnih manjina u BiH“;
6. Razno.

Ad. 1. Usvajanje Zapisnika 4. sjednice Vijeća

Vijeće je jednoglasno prihvatilo Zapisnik 4. sjednice, uz zahtjev za realizaciju zaključaka s te sjednice.

Ad. 2. Usvajanje Poslovnika o radu Vijeća

Predsjedavajući Vijeća Nedžad Jusić i sekretar Emina Jahić obrazložili su da je Vijeće usvojilo Poslovnik o radu, te da su u međuvremenu usvojene izmjene i dopune Zakona o zaštiti prava pripadnika nacionalnih manjina BiH i Odluke o osnivanju Vijeća nacionalnih manjina BiH, koje treba da budu usklađene s Pravilnikom o radu Vijeća, kako bi Parlamentarna skupština BiH dala saglasnost.

Vijeće je jednoglasno usvojilo Pravilnik o radu Vijeća, s predloženim izmjenama.

Ad. 3. Usvajanje plana za monitoring Akcionog plana o obrazovnim potrebama Roma i ostalih nacionalnih manjina u BiH

Predsjedavajući Vijeća Nedžad Jusić obrazložio je akcioni plan, a nakon provedene rasprave, jednoglasno su usvojeni sljedeći zaključci:

- da se pozovu predstavnici općina kako bi se izjasnili o pitanju akcionog plana obrazovanja nacionalnih manjina;
- nakon tog sastanka održati sastanak s predstavnicima nacionalnih manjina tog regiona o istom pitanju;
- da članovi Vijeća u narednih sedam dana e-mailom potvrde spremnost za posjetu određenim ministarstvima;
- da stručno lice kontaktira ministarstva, kako bi se realizirale navedene posjete;
- plan posjeta prosljediti do ponedjeljka, s tim da se ostavlja mogućnost predsjedavajućem, da, ako nema interesa za pojedine posjete, sam predloži učesnike;
- obratiti se Sekretarijatu Parlamentarne skupštine BiH da odredi stručno lice koje će pratiti realizaciju akcionog plana;
- da se zapisnik dostavi u određenom roku.

Ad. 4. Usvajanje plana za studijsku posjetu Beogradu i Zagrebu

Nakon provedene rasprave, jednoglasno je usvojen zaključak da se posjete Zagrebu i Beogradu realiziraju u septembru 2009. godine, te da se članovi Vijeća izjasne gdje žele ići.

Ad.5. Priprema za održavanje okruglog stola o temi: Položaj nacionalnih manjina u BiH

Nakon provedene rasprave, Vijeće je jednoglasno usvojilo sljedeće:

- da svaki predstavnik dostavi izvještaj o stanju u svojoj nacionalnoj manjini;
- da svaki član Vijeća predloži pet učesnika okruglog stola;
- da se okrugli sto održi krajem marta 2009.godine;
- da teme okruglog stola budu: Izborni zakon s učešćem nacionalnih manjina u izbornom procesu i Definiranje statusa nacionalnih manjina u Ustavu BiH.

Ad.6. Razno

Članovi Vijeća upoznati su s formiranjem Vijeća nacionalnih manjina u Federaciji BiH, problemom donošenja zakona. Vijeće je jednoglasno usvojilo zaključak:

- Uputiti zahtijev Parlamentu Federacije BiH za autentično tumačenje Zakona o zaštiti prava pripadnika nacionalnih manjina u Federaciji BiH („Službene novine Federacije BiH“, br. 70/08) Poglavlje VIII. članovi: 16., 17., 18., 19., 20. i 21., koji se odnose na formiranje Vijeća nacionalnih manjina u Federaciji BiH kao savjetodavnog tijela Parlamenta Federacije BiH.

Vijeće je jednoglasno usvojilo zaključak:

- Uputiti dopis Kolegiju Sekretarijata da se riješi pitanje administrativno-tehničke pomoći, kao i da se osiguraju propusnice za nesmetani ulazak članova Vijeća u zgradu Parlamentarne skupštine BiH.

Sjednica Vijeća završena je u 13,50 sati.

**Predsjedavajući Vijeća
Nedžad Jusić**